

Cumün da Zernez



Disposiziuns d'execuziun da la ledscha d'energia

080.200

DISPOSIZIUNS D'EXECUZIUN DA LA LEDSCHA D'ENERGIA DAL CUMÜN DA ZERNEZ

As basand sül art. 3 da la ledscha cumünala d'energia dals 30 avuost 2013 relascha la suprastanza cumünala als 07 october 2013 las seguaintas disposiziuns d'execuziun.

Art. 1 Intent

Quistas disposiziuns d'execuziun fixan las masüras e'l proceder, chi sun necessaris per raggiundscher il böt da la ledscha d'energia cumünala.

Art. 2 Inchaschamaint da la contribuziun

L'inchaschamaint da la contribuziun sül transport da la forz'electricca succeda tras l'ouvr'electricca cumünala i'l rom da sia facturaziun a partir dals 01. october 2013. L'import es da muossar sü separadamaing.

Art. 3 Proceder da contribuziun

La dumonda da contribuziun es dad inoltrar al cumün in regla insembel cun la dumonda da fabrica per il proget correspondent.

La decisiun sur dal dret da contribuziun e l'otezza da la contribuziun vain tratta a listess temp cul permiss da fabrica e dat cuntshaint al proponent. L'uorden po esser collià cun cundiziuns ed obliigs, chi ston gnir accumulats e sun la premissa per pajar oura la contribuziun.

La dumonda e la conferma da contribuziun vegnan trattadas seguond il termin d'entrada pro'l cumün.

Art. 4 Documainta da dumonda

La dumonda per üna contribuziun sto cuntgnair almain seguainta documainta e seguaintas indicaziuns:

- Dumonda da fabrica o formular d'annunzcha;
- Formular cumünal da dumonda d'energia;
- Copcha dal formular chantunal da dumonda d'energia.

Art. 5 Cumpetenzza

Sur dal pajamaint da las contribuziuns cumünalas decida la suprastanza cumünala sco istanza da fabrica.

Art. 6 Pajamaint

Il pajamaint da la contribuziun garantida segua davo la finischiun dals lavurs basand sül protocol d'acceptaziun e sül rendaint da la fabrica.

Art. 7 Scadenza e renunzcha

Lavurs ston gnir finits infra il termin fixà (validità dal permiss da fabrica) daspö l'impromischiun da la contribuziun, inschinà scada l'import garanti. Desista il proponent sülla realisaziun dal proget o müda il proget, lura sto'l quai annunzchar immediat a l'uffizi da fabrica Zernez.

Art. 8 Entrada in vigur


Las disposiziuns d'execuziun aintran in vigur culla decisiun da la suprastanza cumünala dals 07-10-2013.

Zernez, 7 october 2013

Cumün da Zernez

In nom da la suprastanza cumünala


Il president cumünal



René Hohenegger



L'actuar cumünal



Corsin Scandella